


高僧傳

才九

四百六十七
廣三

51295



元祿九年丙子二月日重脩

皇圖 聖圖 帝曆 綴昌

佛日 增輝 懋輪 常轉

山城州天安寺法金剛院置



高僧傳卷第九

梁會稽嘉祥寺沙門

慧皎撰

廣

神異上

竺佛曷澄一

單道開二

竺佛調三

耆域四

竺佛曷澄者西域人也本姓帛氏少出家清
真務學誦經數百萬言善解文義雖未讀此
土儒史而與諸學士論辯疑滯皆闇若符契
無能屈者自云再到罽賓受誨名師西域咸
稱得道以晉懷帝永嘉四年來適洛陽志弘



大法善誦神呪能使鬼物以麻油雜燕脂塗掌千里外事皆徹見掌中如對面焉亦能令潔齋者見又聽鈴音以言事無不効驗欲於洛陽立寺值劉曜寇斥洛陽臺帝京擾亂澄立寺之志遂不果迺潛澤草野以觀世變時石勒屯兵葛陂專以殺戮為務沙門遇害者甚衆澄憫念蒼生欲以道化勒於是杖策到軍門勒大將郭黑略素奉法澄即投止略家略從受五戒崇弟子之禮略後從勒征伐輒預剋勝負勒疑而問曰孤不覺卿有出衆智謀而每知行軍吉凶何也略曰將軍天挺神武幽靈所助有一沙門術智非常云將軍

當略有區夏已應為師臣前後所白皆其言也勒喜曰天賜也召澄問曰佛道有何靈驗澄知勒不達深理正可以道術為徵因而言曰至道雖遠亦可以近事為證即取應器盛水燒香呪之須臾生青蓮花光色曜日勒由此信服澄因而諫曰夫王者德化洽於宇內則四靈表瑞政弊道消則彗孛見於上恒象著見休咎隨行斯迺古今之常徵天人之明誠勒甚悅之凡應被誅餘殘蒙其益者十有八九於是中州胡晉略皆奉佛時有痼疾世莫能治者澄為醫療應時瘳損陰施嘿益者不可勝記勒自葛陂還河北過坊頭坊頭人

夜欲斫營語黑略曰須臾賊至可令公知果如其言有備故不敗勒欲試澄夜冠冑衣甲執刃而坐遣人告澄云夜來不知大將軍所在使人始至未及有言澄逆問曰平居無寇何故夜嚴勒益敬之勒後因忿欲害諸道士并欲苦澄澄迺避至黑略舍語弟子曰若將軍信至問吾所在者報云不知所之信人尋至覓澄不得使還報勒勒驚曰吾有惡意向聖人聖人捨我去矣通夜不寢思欲見澄澄知勒意悔明旦造勒勒曰昨夜何行澄曰公有怒心昨故權避公今改意是以敢來勒大笑曰道人謬耳襄國城塹水源在城西北五

里圍丸祀下其水暴竭勒問澄何以致水澄
曰今當勅龍勒字世龍謂澄嘲已荅曰正以
龍不能致水故相問耳澄曰此是誠言非戲也
水泉之源必有神龍居之今往勅語水必可
得迺與弟子法首等數人至泉源上其源故
處久已乾燥折如車轍從者心疑恐水難得
澄坐繩床燒安息香呪願數百言如此三日
水泫然微流有一小龍長五六寸許隨水來
出諸道士競往視之澄曰龍有毒勿臨其上
有頃水大至隍壑皆滿澄閑坐歎曰後二日
當有一小人驚動此下旣而襄國人薛合有
二子旣小且驕輕弄鮮卑奴奴忿抽刃刺殺

其弟執兄于室以刀擬心若人入屋便欲加
手謂合曰送我還國我活汝兒不然則共死
於此內外驚愕莫不往觀勒迺自往視之謂
薛合曰送奴以全卿子誠為善事此法一聞
方為後害卿且寬情國有常憲人命取奴奴
遂殺兒而死鮮卑段波攻勒其衆甚盛勒懼
問澄澄曰昨寺鈴鳴云明旦食時當擒段波
勒登城望彼軍不見前後失色曰軍行地傾
波豈可獲是公安我辭耳更遣夔安問澄澄
曰已獲波矣時城北伏兵出遇波執之澄勸
勒宥波遣還本國勒從之卒獲其用時劉載
已死載從弟曜篡襲偽位稱元光初光初八

年曜遣從弟僞中山王岳將兵攻勒勒遣石
虎率步騎拒之大戰洛西岳敗保石梁塢虎
豎柵守之時澄與弟子自官寺至中寺始入寺
門歎曰劉岳可憫弟子法祚問其故澄曰昨
日亥時岳已被執果如所言至光初十一年
曜自率兵攻洛陽勒欲自往拒曜內外僚佐
無不必諫勒以訪澄澄曰相輪鈴音云秀支
替戾罔僕谷劬禿當此羯語也秀支軍也替
戾罔出也僕谷劉曜胡位也劬禿當捉也此
言軍出捉得曜也時徐光聞澄此言苦勸勒
行勒乃留長子石弘共澄以鎮襄國自率中
軍步騎直詣洛城兩陣纔交曜軍大潰曜馬

沒水中石堪生擒之送勒澄時以物塗掌觀之見有大衆衆中縛一人朱絲約其肘因以告弼當尔之時正生擒曜也曜平之後勒迺僭稱趙天王行皇帝事改元建平是歲晉成帝咸和五年也勒登位已後事澄弥篤時石葱將叛其年澄誠勒曰今年葱中有蟲食之必害人可令百姓無食葱也勒班告境內慎無食葱到八月石葱果走勒益加尊重有事必諮而後行號大和尚石虎有子名斌後勒愛之甚重忽暴病而亡已涉二日勒曰朕聞號太子死扁鵲能生大和尚國中之神人可急往告必能致福澄迺取楊枝呪之須臾能

起有頃平復由是勒諸稚子多在佛寺中養之每至四月八日勒躬自詣寺灌佛爲見發願至建平四年四月天靜無風而塔上一鈴獨鳴澄謂衆曰鈴音云國有大喪不出今年矣是歲七月勒死子弘襲位少時石虎廢弘自立遷都于鄴稱元建武虎傾心事澄有重於勒迺下書曰和尚國之大寶榮爵不加高祿不受榮祿匪顧何以旌德從此已往宜衣以綾錦乘以雕輦朝會之日和尚升殿常侍以下悉助舉輿太子諸公扶翼而上主者唱大和尚衆坐皆起以彰其尊又勅僞司空李農旦夕親問太子諸公五日一朝表朕敬焉澄時

止鄴城內中寺遣弟子法常北至襄國弟子
法佐從襄國還相遇在梁基城下共宿對車
夜談言及和尚比旦各去法佐至始入覲澄
澄逆笑曰昨夜余與法常交車共說汝師耶
先民有言不曰敬乎幽而不改不曰慎乎獨
而不怠幽獨者敬慎之本余不識乎佐愕然
愧懣於是國人每共相語莫起惡心和尚知
汝及澄之所在無敢向其方面涕唾便利者
時太子石邃有二子在襄國澄語邃曰小阿
弥比當得病可往迎之邃即馳信往視果已
得病大醫般勝及外國道士自言能治澄告
弟子法牙曰正使聖人復出不愈此病況此

等乎後三日果死石邃荒酒將罾為逆謂內
豎曰和尚神通儻發吾謀明日來者當先除
之澄月望將入覲虎謂弟子僧慧曰昨夜天
神呼我曰明日若入還勿過人我儻有所過
汝當止我澄常入必過邃邃知澄入要候甚苦
澄將上南臺僧慧引衣澄曰事不得止坐未安
復起邃固留不住所謀遂差還寺歎曰太子
作亂其形將成欲言難言欲忍難忍迺因事
從容箴虎虎終不解俄而事發方悟澄言後
郭黑略將兵征長安北羗惶羗伏中時澄
在堂上坐弟子法常在側澄慘然改容曰郭
公今厄唱云衆僧呪願澄又自呪願須臾更

曰若東南出者活餘向則困復更呪願有頃
曰脫矣後月餘日黑略還自說墮羗圍中東
南走馬乏正遇帳下人推馬與之曰公乘此
馬小人乘公馬濟與不濟任命也略得其馬
故獲免推檢日時正是澄呪願時也石虎兒
僞大司馬燕公石斌虎以為幽州牧鎮群
凶湊聚因以肆暴澄誠虎曰天神昨夜言疾
收馬還至秋齊當癰爛虎不解此語即勅諸
虜收馬送還其秋有人譖斌於虎虎召斌鞭
之三百殺其所生母齊氏虎彎弓撿矢自視
行斌罰罰輕虎乃手殺五百澄諫曰心不可
縱死不可生禮不親殺以傷恩也何有天子

手行罰乎虎乃止後晉軍出淮泗隴北瓦城
皆被侵逼三方告急人情危擾虎乃瞋曰吾
之奉佛供僧而更致外寇佛無神矣澄明日
早入虎以事問澄澄因諫之曰王過去世經
爲大商主至罽賓寺嘗供大會中有六十羅
漢吾此微身亦預斯會時得道人謂吾曰此
主人命盡當受鷄身後王晉地今王爲王豈
非福耶壇場軍寇國之常耳何爲怨謗三寶
夜興毒念乎虎迺信悟跪而謝焉虎嘗問澄
佛法不殺朕爲天下之主非刑殺無以肅清海
內旣違戒殺生雖復事佛詎獲福耶澄曰帝
王事佛當在體恭心順顯暢三寶不爲暴虐不

害無辜至於凶愚無賴非化所遷有罪不得
不殺有惡不得不刑但當殺可殺刑可刑耳
若暴虐恣意殺害非罪雖復傾財事法無解
殃禍願陛下省欲興慈廣及一切則佛教永
隆福祚方遠虎雖不能盡從而爲益不少虎
尚書張良張離等家富事佛各起大塔澄謂
曰事佛在於清靖無欲慈矜爲心檀越雖儀
奉大法而貪恠未已遊獵無度積聚不窮方
受現世之罪何福報之可希耶離等後並被
戮滅時又久旱自正月至六月虎遣太子詣
臨漳西釜口祈雨久而不降虎令澄自行即
有白龍二頭降於祠所其日大雨方數千里

其年大收戎貊之徒先不識法聞澄神驗皆
遙向禮拜並不言而化焉澄嘗遣弟子向西
域市香既行澄告餘弟子曰掌中見買香弟
子在某處被賊垂死因燒香呪願遙救護之
弟子後還云某月某日於某處為賊所劫垂當
見殺忽聞香氣賊無故自驚曰救兵已至棄
之而走虎於臨漳修治舊塔少承露盤澄曰
臨淄城內有古阿育王塔地中有承露盤及
佛像其上林木茂盛可掘取之即盡畱與使
依言掘取果得盤像虎每欲伐燕澄諫曰燕
國運未終卒難可尅虎屢行敗績方信澄誠
澄道化既行民多奉佛皆營造寺廟相競出

家真僞混淆多生憊過虎下書問中書曰佛
号世尊國家所奉里閭小人無爵秩者爲應
得事佛與不又沙門皆應高潔貞正行能精
進然後可爲道士今沙門甚衆或有姦宄避
役多非其人可料簡詳議真僞中書著作郎
王度奏曰夫王者郊祀天地祭奉百神載在
祀典禮有嘗饗佛出西域外國之神功不施
民非天子諸華所應祀奉往漢明感夢初傳
其道唯聽西域人得立寺都邑以奉其神其
漢人皆不得出家魏承漢制亦循前軌今大
趙受命率由舊章華戎制異人神流別外不
同內饗祭殊禮華夏服禮不冝雜錯國家可

斷趙人悉不聽詔寺燒香禮拜以遵典祀其
百辟卿士下逮衆隸例皆禁之其有犯者與
淫祀同罪其趙人爲沙門者還從四民之服
僞中書令王波同度所奏虎下書曰度議云
佛是外國之神非天子諸華所可宜奉朕生
自邊壤忝當期運君臨諸夏至於饗祀應兼
從本俗佛是我神正所應奉夫制由上行永
世作則苟事允無虧何拘前代其夷趙百蠻
有捨於淫祀樂事佛者悉聽爲道於是慢戒
之徒因之以厲黃河中舊不生鼃忽得一以
獻虎澄見而歎曰桓溫其入河不久溫字元
子後果如言也時魏縣有一流民莫識氏族

恒著麻襦布裳在魏縣市中乞丐時人謂之
麻襦言語卓越狀如狂病乞得米穀不食輒
散置大路云飼天馬趙興太守籍拔收送詣
虎先是澄謂虎曰國東二百里某月某日當
送一非常人勿殺之也如期果至虎與共語
了無異言唯道陛下當終一柱殿下虎不解
此語令送以詣澄麻襦謂澄曰昔在光和中
會奄至今日西戎受玄命絕曆終有期金離
消于壤邊荒不能遵驅除靈期迹莫已已之
懿囊苗葉繁其來方積休期於何期永以歡
之澄曰天迴運極不將不支九木水為難無
可以術寧玄哲雖存世莫能基必頽久遊

閻浮利擾擾多此患行登凌雲宇會於虛遊
間澄與麻襦講語終日人莫能解有竊聽者
唯得此數言推計似如論數百年事虎遣驛
馬送還本縣旣出城外詁能步行云我當有
所過未便得發至合口橋可留見待使如言
馳去未至合口而麻襦已在橋上考其行步
有若飛也澄有弟子道進學通內外爲虎所
重嘗言及隱士事虎謂進曰有楊軻者朕之
民也徵之十餘年不恭王命故省視傲然
而卧朕雖不德君臨万邦乘輿所向天沸地
涌雖不能令木石屈膝何匹夫而長傲耶昔
太公之齊先誅華士太公賢哲豈其謬乎進

對曰昔舜優蒲衣禹造伯成魏飾于木漢美周黨管寧不應曹氏皇甫不屈晉世二聖四君共加其節將欲激厲貪競以峻清風願陛下遵舜禹之德勿數太公用刑君舉必書豈可令趙史遂無隱遁之傳乎虎悅其言即遣軻還其所止差十家供給之進還具以白澄澄莞然笑曰汝言善也但軻命有所懸矣後秦州兵亂軻弟子以牛負軻西奔太軍追擒并爲所害虎嘗晝寢夢見群羊負魚從東北來寤以訪澄澄曰不祥也鮮卑其有中原乎慕容氏後果都之澄常與虎共昇中堂澄忽驚曰變變幽州當火災仍取酒灑之久而笑

曰救已得矣虎遣驗幽州去今日火從四門起西南
有黑雲來驟雨滅之雨亦頗有酒氣至虎建武十四年七
月石宣石韜將畱相殺宣時到寺與澄同坐浮畱一
鈴獨鳴澄謂宣曰解鈴音乎鈴去胡子洛度宣變
色曰是何言歟澄謬曰老胡爲道不能山居無言
重茵美服豈非洛度乎石韜後至澄熟視良久
韜懼而問澄澄曰怪公血胤故相視耳至八月
澄使弟子十人齋于別室澄時暫入東閣虎
與后杜氏問訊澄澄曰脇下有賊不出十日
自佛畱以西此殿以東當有流血慎勿東行
也杜后曰和尚耄耶何處有賊澄即易語去
六情所受皆悉是賊老自應耄但使少者不

惛遂便寓言不復彰的後二日宣果遣人害
韜於佛寺中欲因虎臨喪仍行大逆虎以澄
先誠故獲免及宣事發被收澄諫虎曰既是
陛下之子何爲重禍耶陛下若含恕加慈者
尚有六十餘歲如必誅之宣當爲彗星下掃
鄴宮也虎不從以鐵鑊穿宣頷牽上薪積而
焚之收其官屬三百餘人皆輾裂肢解投之
漳河澄迺勅弟子罷別室齋也後月餘日有
一妖馬髦尾皆有燒狀入中陽門出顯陽門
東首東宮皆不得入走向東北俄亦不見澄
聞而歎曰灾其及矣至十一月虎大饗群臣
於太武前殿澄吟曰殿乎殿乎棘子成林將

壞人衣虎令發殿石下視之有棘生焉澄還
寺視佛像曰悵恨不得莊嚴獨語曰得三年
乎自荅不得不得又曰得二年一年百日一
月乎自荅不得迺無復言還房謂弟子法祚
曰戊申歲禍亂漸萌己酉歲石氏當滅吾及
其未亂先從化矣即遣人與虎辞曰物理必

遷身命非保貧道炎幻之軀化期已及既荷
恩殊重故逆以仰聞虎愴然曰不聞和尚有
疾迺忽尔告終即自出宮寺而慰喻焉澄謂
虎曰出生入死道之常也脩短分定非所能
延夫道重行全德貴無怠苟業操無虧雖亡
若在違而獲延非其所願今意未盡者以國

家心存佛理奉法無吝興起寺廟崇顯壯麗
稱斯德也宜享休祉而布政猛烈淫刑酷濫
顯違聖典幽背法誠不自懲革終無福祐若
降心易慮惠此下民則國祚延長道俗慶賴
畢命就盡沒無遺恨虎悲慟嗚咽知其必逝
即爲鑿壙營墳至十二月八日卒於鄴宮寺
是歲晉穆帝永和四年也士庶悲慟哀號傾
國春秋一百一十七矣仍窆於臨漳西紫陌
即虎所創塚也俄而梁犢作亂明年虎死深
閔篡戮石種都盡閔小字棘奴澄先所謂棘
子成林者也澄左乳傍先有一孔圍四五寸
通徹腹內有時腸從中出或以絮塞孔夜欲

讀書輒拔絮則一室洞明又齋日輒至水邊
引腸洗之還復內中澄身長八尺風姿詳雅
妙解深經傍通世論講說之日止標宗致使
始末文言昭然可了加復慈洽蒼生拯救危
苦當二石凶強虐害非道若不與澄同日孰
可言哉但百姓蒙益日用而不知耳佛調須
菩提等數十名僧皆出自天竺康居不遠數
萬之路足涉流沙詣澄受訓樊沔釋道安中
山竺法雅並跨越關河聽澄講說皆妙達精
理研測幽微澄自說生處去鄴九萬餘里棄
家入道一百九年酒不踰齒過中不食非戒
不履無欲無求受業追隨者常有數百前後門

徒幾且一万所歷州郡興立佛寺八百九十
三所弘法之盛莫與先矣初虎殮澄以生時
錫杖及鉢內棺中後深閔篡位開棺唯得鉢
杖不復見屍或言澄死之月有人見在流沙
虎疑不死開棺不見屍後慕容儁都鄴處石
虎宮中每夢見虎嚙其臂意謂石虎爲祟迺
募覓虎屍於東明館掘得之屍殭不毀儁乃
踰之罵曰死胡敢怖生天子汝作宮殿成而
爲汝兒所害況復他耶鞭撻毀辱投之漳河
屍倚橋柱不移秦將王猛迺收葬之麻襦所
謂一柱殿也後符堅征鄴儁子暉爲堅大將
郭神虎所執實先夢虎之驗也田融趙記去

澄未亡數年自營冢壙澄既知冢必開又屍不在中何容預作恐融之謬矣澄或言佛啣磴或言佛啣磴皆取梵音之不
同耳

單道開姓孟燉煌人少懷栖隱誦經四十餘
萬言絕穀餌栢實栢實難得復服松脂後服
細石子一吞數枚數日一服或時多少噉薑
椒如此七年後不畏寒暑冬袒夏溫晝夜不
卧始同學十人共契服食十年之外或死或
退唯開全志阜陵太守遣馬迎開辟能步行
三百里路一日早至山樹諸神或現異形試
之初無懼色以石虎建武十二年從西平來

一日行七百里至南安度一童子爲沙彌年十四稟受教法行能及開時太史奏虎去有仙人星見當有高士入境虎普勅州郡有異人今盛聞其年冬十一月秦州刺史上表送開初止鄴城西法綝祠中後徙臨漳照德寺於房內造重閣高八九丈許於上編管爲禪室

唐

高僧傳卷之六

一

三

如十斛蘿大常坐其中虎資給甚厚開皆以惠施時樂仙者多來諮問開都不荅迺爲說偈云我矜一切苦出家爲利世利世須學明學明能斷惡山遠糧粒難作斯斷食計非是求仙侶幸勿相傳說開能救眼疾時秦公石韜就開治目著藥小痛韜甚憚之而終得其

効佛置澄曰此道士觀國興衰若去者當有
大災至石虎太寧元年開與弟子南度許昌
虎子姪相殺鄴都大亂至晉昇平三年來之
建業俄而至南海後入羅浮山獨處茅茨蕭
然物外春秋百餘歲卒于山舍勅弟子以屍
置石穴中弟子迺移之石室有康泓者昔在
北間聞弟子叙開昔在山中每有神仙去來
迺遙心敬悒及後從役南海親與相見側席
鑽仰稟聞備至迺爲之傳讚讚曰蕭哉若人
飄然絕塵外軌小乘內暢空身玄象暉曜高
步是臻養茹芝英流浪巖津晉興寧元年陳
郡袁宏爲南海太守與弟穎叔及沙門支法

防共登羅浮山至石室口見開形骸及香火
瓦器猶存宏曰法師業行殊群正當如蟬蛻
耳迺爲贊曰物隹招竒德不孤立遼遼幽人
望巖凱入飄飄靈仙茲焉遊集遺屣在林千
載一襲後沙門僧景道漸並欲登羅浮竟不
至頂

竺佛調者未詳氏族或云天竺人事佛旨澄
爲師住常山寺積年業尚純樸不表飾言時
咸以此高之常山有奉法者兄弟二人居去
寺百里兄婦疾篤載出寺側以近醫藥兄旣
奉調爲師朝晝常在寺中諮詢行道異日調
忽往其家弟具問嫂所苦并審兄安否調曰

病者粗可，卿兄如常。調去後，弟亦策馬繼往。言及調，且來兄驚曰：和尚且初不出寺，汝何容見兄弟爭以問調？調笑而不荅，咸共異焉。調或獨入深山，一年半歲，齋乾飯數斗，還恒有餘。有人嘗隨調山行，數十里，天暮大雪，調入石穴，虎窟中宿。虎還共卧窟前，調謂虎曰：我奪汝麪，有愧，如何？虎迺弭耳下山。從者駭懼，調後自剋，亡日遠近皆至，悉與語曰：天地長久，尚有崩壞，豈況人物而求永存？若能蕩除三垢，專心真淨，形數雖乖，人必同契。衆咸流涕，固請調曰：死生命也，其可請乎？調迺還房，端坐以衣蒙頭，奄然而卒。後數年，調白衣。

弟子八人入西山伐木忽見調在高巖上衣
服鮮明姿儀暢悅皆驚喜作禮和尚尚在耶
調曰吾常在耳具問知舊可否良久迺去八
人便捨事還家向諸同法者說衆無以驗之
共發冢開棺不復見屍唯衣履在焉有記云
此竺佛調譯出法鏡經及十慧等案釋道安
經錄云漢靈帝光和有沙門嚴佛調共安玄
都尉譯出法鏡經及十慧等語在譯經傳而
此中佛調迺東晉中代時人見名字是同便
謂爲一謬矣

者域者天竺人也周流華戎靡有常所而倜
儻神奇任性忽俗迹行亦不恒時人莫之能

測自發天竺至于扶南經諸海濱爰涉交廣
並有靈異既達襄陽欲寄載過江船人見梵
沙門衣服弊陋輕而不載船達北岸域亦已
度前行見兩虎虎弭耳掉尾域以手摩其頭
虎下道而去兩岸見者隨從成群晉惠之末
至于洛陽諸道人悉爲作禮域胡踞晏然不
動容色時或告人以前身所更謂支法淵從
羊中來竺法興從人中來又譏諸衆僧謂衣
服華麗不應素法見洛陽宮城云髣髴似忉
利天宮但自然之與人事不同耳域謂沙門
耆闍蜜曰匠此宮者從忉利天來成便還天
上矣屋脊瓦下應有千五百作器時咸云昔

聞此匠實以作器著瓦下又云宮成之後尋
被害焉時衡陽太守南陽滕永文在洛寄住
滿水寺得病經年不差兩脚攣屈不能起行
域往看之曰君欲得病差不因取淨水一杯
揚柳一枝便以揚枝拂水舉手向永文而呪
如此者三因以手搯永文膝令起即時起行
步如故此寺中有思惟樹數十株枯死域問
永文樹死來幾時永文曰積年矣域即向樹
呪如呪永文法樹尋莠發扶踈榮茂尚方暑
中有一人病癥將死域以應器著病者腹上
白布通覆之呪願數千言即有臭氣燻徹一
屋病者曰我活矣域令人舉布應器中有若

塗淤泥者數升鼻不可近病者遂瘞洛陽兵
亂辭還天竺洛中有沙門竺法行者高足僧也
時人方之樂今因請域曰上人既得道之僧
願留一言以爲永誠域曰可普會衆人也衆
旣集域昇高座曰守口攝身意慎莫犯衆惡
修行一切善如是得度世言訖便禪默行重
請曰願上人當授所未聞如斯偈義八歲童
孛亦已諳誦非所望於得道人也域笑曰八
歲雖誦百歲不行誦之何益人皆知敬得道
者不知行之自得道悲夫吾言雖少行者益
多也於是辭去數百人各請域中食域皆許
往明旦五百舍皆有一域始謂獨過未相讎

問方知分身降焉既發諸道人送至河南城
域徐行追者不及域迺以杖畫地曰於斯別
矣其日有從長安來者見域在彼寺中又賈
客胡濕登者即於是日將暮逢域於流沙計
已九千餘里既還西域不知所終

高僧傳卷第九

神異上

廣

罽賓

上居例反國名

茵

音因草也

寂斤

上音尺下音尺苦候反賊

也

也

葛陂

下音碑澤

憫念

上音敏

慧字

上音沒反旬歲反

也

也

帚也謂此星光如帚故因此為名

痼疾

上音固

瘳損

上音安病也

疴

曹

上音貫亦云

直右反

襄國

上音羊反

城

下音安

也

也

坑嘲

竹交反

乾燥

下先反

車轍

下音直

也

也

也

然犬上反玄驚驚愕各下反吾宥音右赦罪也篡篡襲患上反初

奪也下音鳩村一古反反柵木義反反劬秃上音衢他音反反

習承位也對反反僭子念號音號音太子反上俱獲反反扁谷

鵲上蒲典反鄴地名業也箴音針誠也慘然反上傷七感切

也也荊計音湊聚反上七奏譖側禁反彎弓反上烏還

拾矢下上式反旨反箭也也壇場界畔也音恹若

二同良戎貂上而弓反反下音陌臨菑下側敗

績下子曆反混淆反上胡本反反雜亂也也料簡音上

寮秀上音題邊壤反下汝兩何拘俱下音音寵音

麻短下而朱反乞下音音飼音寺餒囊羊

反苗頽徒回反軻音傲然上吾匹夫上乃軍

學胡教反隱遁困下反反莞然傲上笑而無聲也也式軍

上詩韜反土刀脅下上虛業反耄莫報反領胡

反顯薪積下子智反一輾裂上人音患車裂罪

鬣尾毛上音棘子反刺也愴然上楚操七到反

下正髡髻上芳罔反孿屈上力負縮休祉下音也

酷濫上也下苦篤反毒懲革止音澄誠也嗚咽於下

悲結反止也憂鑿壙况反墓穴也苦哀號毫音窆

彼驗反創楚狀反絮息慮反掉尾上反徒

手搦角下反樊沔音煩緬二跨越上傾幾且矣上其

近也殮入力棺也屍齧魚結反崇私遂反禍殭

音薑死而踰徒塔鞭撻他達反笞也擘

也直也庚登音燉煌二屯皇餌食而志反枚音梅

薑椒下反子祖膊也但露絀祠音上丑林寺反下營

消反子祖膊也但露絀祠音上丑林寺反下營

茅草
斛蘿
上谷
胡憚
且
茅茨
下在
咨反
石

穴
下乎
泓
紆
萌
鑽
仰
遠
俗
謂
其
道
玄
臻

側中
反
餐茹
下而
菜
庶
芝英
上
音
之
宏
惠
萌

蟬蛻
稅下
音
凱
反口
改
屣
所
綺
反
純
樸
質
朴
字
問

諮詢
下息
旬
粗
才
古
反
弭耳
上
免
介
駭懼
上

買也
反
驚
盪
音
蕩
俶儻
上
昌
六
反
善
也
厚
也
正

胡反
非常也
音
病癥
中下
結病也
反
腹
塗淤
近上
反

下於
去反
濁泥也
十

